



Inatsisartuni ilaasortaq Per Berthelsen, Siumut
/Maani

**Pineqartoq: Tuapannguani napasuliaq 4-miit 7-imut
qularnaveeqqusiissuteqarnissamut piumasaqaat**

4. december 2009
Sagsnr. 2009-023256
Dok. Nr. 272670

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl
www.nanoq.gl

Tuapannguani napasuliani qularnaveeqqusiissuteqarnissamut piumasaqaatit pillugit apeqquutinnut qujavunga. Apeqquteqarninni imatut akissuteqarnissamut tunngavissarsivunga.

1. Napasuliaq 7-imi qularnaveeqqusiissuteqarnissamut piumasaqaat aamma napasuliaq 4-miit 6-imut atuuttussanngortinneqassava?

Tassunga tunngatillugu oqaatigisinnaavara, napasuliaq 7-imi qularnaveeqqusiissuteqarnissamut piumasaqaat aamma napasuliaq 4-miit 6-imut atuuttussanngortinneqartussaammat. Tassalu napasuliaq 4-miit 6-imut qaammatinut arfinilinnut akiliutissap nalinganik akilersugassaanngitsumik qularnaveeqqusiisoqarnissaa piumasarineqassaaq. Piginneqatigiilluni inissiat pillugit Inatsisartut peqqussutaanni nr. 2-mi, 16. maj 2008-meersumi § 24, imm. 2-mi allassimavoq, piginneqatigiilluni inissianik attartortitsinermi inissianik attartortitsisarneq pillugu Inatsisartut peqqussutaanni namminersortut attartortitsisarnerinut maleruagassat malinneqassasut. Namminersortut attartortitsineranni qularnaveeqqusiissuteqarnermi qaammatini arfinilinni attartortitsinermi akiliutissat sinnersimassanngilai, tak. inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi, kingusinnerusukkut allannguuteqartinneqartumi § 40.

Qaammatini pingasuni attartorerup nalinganut qularnaveeqqusiisarneq inissiamit nuunnermut atatillugu aningaasartuutitut naammaneq ajortut paasinarsisimammat, piginneqatigiilluni inissiaatillit peqatigiiffiisa qaammatini arfinilinni attartorerup nalinganik qularnaveeqqusiissuteqartalnissaq pisariaqartutut isummerfigisimavaat.

Tamanna pissutigalugu nalunaarutigisinnaavara, napasuliaq 7-imut aamma napasuliaq 4-miit 6-imut qularnaveeqqusiissuteqarnissamut maleruagassat assigiimmata.

Inussiarnersumik inuulluaqqusilluta

Jens B. Frederiksen